

## **Ontario Wiin Oshki Asiniikewin Odoonaakonigewin Anishinaabe Gagwedwewin**

Ini gaa-ini-aanjibii'igaadegin ima Asiniikewin Onaakonigewin dagii-izhise jiwii-ji'indaaw Anishinaabe gaye Wiisaakodewininiwag daazhiikewinan weweni jidodawindaaw aniish ima ozhibii'igaade eganawaabadeg Anishinaabe omiinigoowiziwin gaye odiba'amaagowin. Owe gaganawaabadeg ima izhi'ashijisin ima Onaakonigewining chakibii'iganess, gaye Anishinaabe gagwedwewin ge-izhijigaaniwangin danaagwaanooon ayapii ima onaakonige mazina'iganing—gaye ima gebiminizha'igadegin.

Iniwe omiinigoowiziwinan gaye gaagiji-inendaangin Anishinaabe gaye Wiisaakodewininiwag daazhiikewinan awashime dagiji-inedaagonoon ima shaaboya'iing gemiinind iwe ji-ashenang ini nake dino Anishinaabe enaadizid gejinedaagoog gaawiinooon jigii-ashodibendang gagakinawaajjigan. Gaye, Ontario da-niigaanjige jimaajidood awe gaawii-asiniiked jigii-gagino'amawaaganiwind gegoonj dago gaye dibajimowin nake Anishinaabe omiinigoowiziwinan gaye odiba'amaagowin jibwaa debinamowaad gaye ozhkiyaaa'ii omazina'iganesiwaan.

Iwe gayaanjibii'igadeg onaakonigewin iweni Canada maawaaj nitaam asiniikewin odoonaakonigewin jiniigaan dibaajimoomaganinig iwe maamiinomowewin dino izhijigewin iwe onji Anishinaabe dino gagwedwewini maanitaamowinan.

Iwe onaakonigewin giizhaabonigaade apii niswaa giyyagideg apii October 21, 2009 izhkwaaweweni egii'dazhidamowaad igi Standing Committee on General Government. Iwe dash Asiniikewin Aanjibii'igan Onaakonigewin, 2009 gii'izhise giji'ogimaakwe eminonaang iwe apii October 28, 2009.

Iwe onaakonigewin niigaan dibaajimoomagan naawaaj shipi gegoon ji-izhijigaaniwang apii Anishinaabekang babagagwedwenaaniwang. Owe gaawii-doojigaaniwang ozhibii'igaadewan gagwedwewin gewiikojjigaaniwangin, da-wiikojjigaaniwanooon ini ogidakamig ge-onji mino'ayaamagag gaye niigaan dibaadodewan izhijigewinan maagizha gaye ini mazina'iganesan apii nanandawaabajiganiwang dino izhijigewinan.

Anishinaabe gaye Wiisaakodewininiwag daazhiikewinan dawiiindamawaawag iniwe oshki gigendaagogin ini asiniike gagakinawaajjiganan ima nake megwaa ga-izhi-dazhiikewaad. Amiidash, jibwaa maada-nokiinaaniwang ima, asiniikeg gaye gasiniikewaad gaaya-dawendamowaad niisiya'ii dino geya'piijiseg izhijigewinan dagii bagidinaanawaa ini ozhibii'iganan gaawii-izhijigewaad. Inishwiin abitaa dino

geya'piiijisegin dinio izhijigewinan, dagii mooshkinebii'igewag jigagwedwewaad iwe dino nanandawaabajigewin mazina'iganes.

### **Dibaajimowin gaye Gagwedwewin**

Dibaajimowin gaye gagwedwewin gaa'aandawendaagogin dashipisewan gaye daganawaabadewan dino nanandawaabajigewin izhijigewin gaye ganabaaj gebigamiseg. Owe dino gaawii-dojigaaniwang ima onjise Supreme Court of Canada onejigewinan gaye dagosemaganoon ini weweni gaa'izhijigaaniwang miziwe oma nake akiing.

Dibaajimowin damiinaawag igi gaadakonamowaad ini oshki dibenjigewinan, jiwiidamaawindaaw giishpin maanzhi bagamisewaad igi Anishinaabe dazhiikewinan gaye jigaanjiniizhi'indaaw wiiba jigii-izhijigewaapan. Ninisidaawinaamin iwe niigaan jigii-ashaawaadendamang aniin iniwe Anishinaabe dazhiikewinan gegii-wiidamaawidaawban gaye aniin gegii-izhijigaaniwangiban giishpin nisdodaadiziwaang iwe gaa-izhimisawendamaang.

Ima bakeya'iing ima oshki dibaabajigewin ima nake wiiba nanandawaabajigewin, ogimaa da-izhijige debwe iwe dibaajimowin onji iwe nanandawaabajigewin izhijigewin gaye mazina'iganesan jigii-gigendamowaad gewiin nawaa gegoon maagizha ogabigaamishkaagonawaa ima Anishinaabe daazhiikewining jibwaa maajiseg anokiiwin. Anishinaabe daazhiikewinan damiinawag jidibaajimowaad aniin enendamowaad onowe izhijigewinan ezhbigamishkaagowaad nake ima omiinigoowiziiwiniwang gaye odiba'amaagowiniwaa.

Nanandawaabajigewin dino mazina'iganesan dagii mamayej ozhibii'igadewan gegoonan gebiminizha'igadegin aniish iwe asho anokiiwin jigii-weweni ganawaabadeg ge-ini-izhiseg, gaye jidagosegin ini genaagogin gebigamiseg ima nake Anishinaabe omiinigoowiziiwinan gaye odiba'amaadiwin, gaye gebigamiseg ima bagona akiing gaye jigii-nanagadawenjigaadegiban iwe anokiiwin ima nishike gaadibendamowaad akiini ogitakamig.

Nibiwaa giyaabi bagidinigewinan, daabshko iwe gaawii-dojigaaniwang miina niigaan gaadibaadodeg iwe akii mazina'igan dino dibenjigewin, dawiiji'iwemagan weweni wiijiwidiwin. Jimaajitaananiwang iwe nake mazina'iigin dibenjigewin dino wedi nake shaawanoong, ini aanjiseg ima maamaakaadaabikoong nake jidagwiid Northern Ontario, akii mazina'igan dibenjigewin yaabadag da-ini-agonaagwan iwe igi asiniikeg memwej jigii-biidigewaad ima akiing ji-asho asiniike gakinawaajijiganikewaad. Iwe akii mazina'iganikewin, nibiwaa izhijigewinan ima ogitakamig akiing dagii-izhise ishkwaaw ozhibii'igadeg iwe gakinawaajijigan, daagii gaye izhijigaaniwan jigii dibaajimonaaniwang gaye ini gagwedwenan gaa'aandawendaagogin.

### **E-ziidonigaadening iniweni Ontario owiijiwiwewin**

ji-ziidonigaadeg izhijigewin, ogimaa ogii'asaan \$40 million wedi nake nisobiboonaganig iwe oshki maamakaajijigewin, niigaan edibaajimood iweni ewiibagidinaang gaye awashime gaayadawendaagoninigin iwe onji Oshki Asiniikewin Odoonaakonigewin. Iwe nake dibaajimowin, Ontario onisodidaan iwe gaaya-piiijiseg iwe gabagamendagoog naagwan memidage jigii-ganawaabadegiban.

Ogimaa onisidaawinaan egiji-inedaagoninig iwe ji-shipiseg iwe ondaadiziwin ozhijigewin. Anishinaabe gaye Wiisaakodewininiwag daazhiikewinan onadawendaanawaa jiwaabadaamowaad ge-onishishing anokiiwin gaye ji-ini-ayaagin awashime ge-ondaadiziwaad gewiinawaa Anishinaabeg ima nake asiniikewin, mitigokewin gaye ini bagona nake gaa-onji ondaadizinaniwang dino.

Niibiwaa aazha obigaashkitoonaawaa weweni emaaaji wijiwiwewaad nake nanandawaabajigewin dino gaye gaa'asiniikewaad. Debwe, awashime naanimidana mazina'iganan megwaa anokiimaganoon ima nake Anishinaabe daazhiikewinan gaye gaa-anokii oondizigewaad. Ontario dash maano ogaajinizha'aanawaa gaye owijigaabawitaanawaa iniwe dino wijiwidewinan. Awashime owijiwe ji-minosemagag bimaadiziwin ima nake Anishinaabe daazhiikewinan gaye ji-ini'ozhijigaadegin ini anokii mazina'iganan ji-ini-wii'aaganiwid Anishinaabe gaye igi Wiisaakodewininiwag gewiinawaa weweni ji-ondaadiziwaad onji bagona oma gaa-oonjiimagag.

Ima gaye ini ogimaa gaa-ini-maajitood, daabshko iwe \$30 million Resource Benefits Sharing gaagii-debwe bagidinang, iwe Oshki Asiniikewin Onaakonigewin dawiji'iwemagan ima ge-onaakosijigaadeg maashkaaw wijiwdiwin, ondaadiziwin dino minosewin gaye ji-wenoodiziwaad igi Ontario Anishinaabe gaye Wiisaakodewininiwag dazhiikewinan.

### **Ganoondiwin giyaabi da-izhise**

Iwe gaagii-ozhijigaadeg oshki asiniikewin onaakonigewin, nigii-bizindaamin. Nigiji-inenimaanaanig igi gaadibenjigewaad, gaye nigii-maamawibii'aamin odikidoowiniwaan ima ozhibii'iganing.

Nigaagwedwewininan gaamashi izhkwaasesinon. Owe gaa-ini-ozhitooyaangin onaakonigewinan, awe ogimaa awaashime da-ini-izhijige jigagwejimaaji' ini gaadibenjigewaad dino, Anishinaabeg gaye gagina'awiya' debwe jiminoseg owe onaakonigewin onji asiniikewin oma Ontario. Bebakaan dino ima ozhibii'igan dabiminizha'igaaniwanoon geya'pijibii'igaaniwangin.

## **Geyapijiimagag ono Geyaanjisegin**

### **Owe ge'izhiseg giji ogimaakwe egoominonaang:**

Gaagiiyaanjibii'igaaniwang maano jigii-nanadokii'inaniwang, gakinawaajijiganiwang gaye nanandawaabajigewin iwe ewii-ozhijigaaniwangibaniin ini asiniikewin, maya jigii-ganawaabadeg gaye gejinaaj jigi-jiwsegibaniin ini Anishinaabe omiinigoowziwinan gaye odiba'amagowinan ima chakibii'igan 35 ima giji onaakonige mazina'iganing, 1982, gaye iwe gagwedwewin, gaye jigii-agaasiseg iniwe gebigaamiseg ima onji izhijigewinan nake mino'ayaawin gaye oma akiing.

Giizhaad da'azhesewan ini giji ogimaakwe asiniike odibejigewin ima shegoya'ii nishike gaadibenjigaadegin dinowaa ima Southern Ontario.

Ozhki aanjibii'iganan onji maajijigewinan ima shegoya'ii Asiniikewin Onaakonigewin

Ozski aanjibii'iganan onji gaa-onizhizhid asiniins odibenjigewin dino bimiwijigewin.

### **Ge-izhiseg ishkwaaw ini onaakonigewinan ozhijigaadegin:**

#### **Apii ingo-biboonagaag**

Dadibaadoonde mazina'iigino gakinawaajijigewin ima Southern Ontario

Gebiminizha'igadeg apii mooshkinebii'igaaniwang ji-azhe odaabinigaaniwang iwe giji ogimaakwe asiniike odibenjigewin ima shegoya'ii nishike gaagi-jiwinaangin dino ini ima Northern Ontario

Aanjibii'igan ini akiin gaabaak'sisigin jigii-gaginawaajijigaadegin gaye nanandawaabajigewin.

Ozhki aanjibii'iganan jigii-bagidinigaadegibaniin ini ogidakaamig gaginawaajijigaadegin jiyaabadagin bakaan jigii-inaawdegin daabshko ozhki waasigan dino izhijigewinan gaye jiganaawedaagogin ini Anishinaabe gaa'inaadizid dino.

#### **Apii niizhin ako niso biboonagaag**

Nanandawaabajigewin izhijigewinan gaye mazina'iganesan ga-onaakonigemagagin ini nitam nake anandawaabajigewin debwe jigii-izhisegin ini nanandawaabajigewin ji-ini bimiwijigaaniwangibaniin weweni jigii-ganawaabadeg Anishinaabe gagwedwewinan, nishike gadibendamowaad akiini gaamisawendamowaad gaye jigii-gwayaakosijigaaniwangiban wanashkweseg gegoon ima akiing. Anishinaabe gagwejimiwewin daniigaansijigaade apane owe asiniikewin gawiidodagaaniwang.

Da-ozhijigaaniwan ge-onji wiindamaawindaaw igi gagijiwinaamowaad asiniike mazina'iganesan, jigii-weweni wiindamaawindaaw aniin ge-izhijigewad ima shegoya'iiing Asiniike Onaakonigewin. Dadagonigaade dibaajimowin ini geyadawendaagogin aniin geyayizhiinaaniwang anishinaabe dagwiid gaye gagwedwewin, giwe'odaapinigewin ini onji nandawaabajigewining, gaye gebiminizha'igadegin iwe wii-gaginawaajijiged akiini gaye nanandawaabadang asiniin ima nishike akiising.

#### **Apii nisin ako nanaan'nibiboonagaag**

Maamaakaadaabikoong nake dagii-dodagaaniwan akii mazina'igan wii-gaginawajibii'aang akiini amii weweni ji'izhiseg miziwe Ontario iweni asiniikewin gawii-gagina'waajidood.

Giishpin awashime gegoon wiigigendaman, ganoonz:

Robert Merwin

Director, Mining Act

Giigidowin: 416-327-8266

705-670-5627

Maajiiyaasijigewin: 416-327-0634

Maamaakaadaabikoong: [miningact@ontario.ca](mailto:miningact@ontario.ca)